

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-11512/24
Sarajevo, 23.5.2024. godine

Na osnovu člana člana 69. stav (2) tačke (d) i (e) tačka i člana 70. stav (1) i (4) Zakona o javnim nabavkama („Službeni glasnik BiH“, br. 39/14 i 59/22) i Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022.godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE Izvođenje radova hortikulturnog uređenja javnih površina

I

Prihvata se preporuka Komisije za javnu nabavku radova i poništava se postupak javne nabavke - Izvođenje radova hortikulturnog uređenja javnih površina, broj obavještenja 422-1-3-61-3-89/24, objavljeno na Portalu javnih nabavki dana 18.4.2024. godine, i “Službenom glasniku BiH- Oglasnik javne nabavke”, br.28/24 od 26.4.2024.godine, obzirom da ni jedna dostavljena ponuda nije prihvatljiva.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-11512/24 od 16.4.2024. godine Općina Novi Grad Sarajevo pokrenula je otvoreni postupak javne nabavke - Izvođenje radova hortikulturnog uređenja javnih površina, broj obavještenja 422-1-3-61-3-89/24, objavljeno na Portalu javnih nabavki dana 18.4.2024. godine, i “Službenom glasniku BiH- Oglasnik javne nabavke”, br.28/24 od 26.4.2024.godine. Procijenjena vrijednost nabavke je 42.735,04 KM bez PDV-a, odnosno 50.000,00 KM sa PDV-om.

Zapisnikom o otvaranju ponuda od 10.5.2024.godine Komisija je konstatovala da su u predviđenom roku, u propisno upakovanim kovertama pristigle tri (3) ponude ponuđača:

1. „HADŽO-STIL“ d.o.o.Sarajevo
2. “EKOCENTAR GS” d.o.o. Špionica
3. „GREEN SERVIS” d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle tri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku te utvrdila da dostavljena ponuda ponuđača „HADŽO-STIL“ d.o.o.Sarajevo ne ispunjava kvalifikacioni uslov tražen u tenderskoj dokumentaciji iz tačke 4.4. cijena ponude – 4.4.1. *Ponuđač treba popuniti obrazac za ponudu i obrazac za cijenu ponude koji se nalaze u prilogu tenderske dokumentacije u skladu sa svim podacima koji su definisani u Aneksima 2. i 3.* Tačkom 4.4.2. propisano je da ukoliko ponuđač propusti popuniti obrazac za cijenu (Aneks 3) u skladu sa postavljenim zahtjevima za sve stavke koje su navedene i ukoliko bude mijenjao stavke u navedenom obrascu, ponuda ponuđača će biti odbačena. Uvidom u dostavljenu ponudu ustanovljeno je da ponuđač nije popunio Aneks 2 - obrazac za cijenu ponude u skladu sa svim podacima koji su definisani u istom, odnosno ponuđač nije upisao cijenu ponude bez PDV-a, iznos PDV-a niti ukupnu cijenu što je bio obavezan učiniti u skladu sa zahtjevima iz tenderske dokumentacije. Takođe uvidom u dostavljenu ponudu utvrđeno je da ista nije numerisana kako je to navedeno u tački 4.1.4 tenderske dokumentacije gdje je navedeno da sve strane ponude moraju biti numerisane na način da je vidljiv redni broj stranice ili lista u skladu sa članom 8.stav (6) i (7) Uputstva za pripremu modela tenderske dokumentacije i ponude.

Nadalje, vršeći analizu dostavljene ponude Komisija je konstatovala da ponuđač nije ispunio uslov iz tačke 3.1. Lična sposobnost tj. dostavljena Izjavu o ispunjenosti uslova iz člana 45 (Aneks 5), nije ovjerena kod nadležnog organa kao ni Izjava o sukobu interesa (Aneks 6). Komisija je konstatovala da ponuđač ne ispunjava kvalifikacioni uslov tražen u tenderskoj dokumentaciji iz tačke 3.2. Sposobnost obavljanja profesionalne djelatnosti gdje se u tački 3.2.2. navodi da Ponuđač u svrhu dokaza o ispunjavanju uslova iz člana 46. Zakona dužan dostaviti dokaz o registraciji u odgovarajućem profesionalnom i drugom registru zemlje u kojoj je registrovan ili izjavu /potvrdu nadležnog organa kojim se dokazuje pravo ponuđača da obavlja profesionalnu djelatnost koja je predmet ove nabavke/. Komisija je utvrdila da ponuđač nije dostavio traženi dokaz u sklopu svoje ponude.

Dostavljena ponuda ne ispunjava ni uslov iz tenderske dokumentacije iz tačke 3.3. ekonomska i finansijska sposobnost - Izjava o ekonomskoj i finansijskoj sposobnosti (član 47ZJN) – Potvrda od Centralne banke BiH o stanju računa ponuđača ne starija od 90 dana (računajući od dana utvrđenog kao krajnji rok za predaju ponuda). Ponuđač nije dostavio traženu potvrdu, što je bio dužan u skladu sa navedenom tačkom tenderske dokumentacije.

Takođe Komisija je konstatovala da ponuđač ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine uspješno izvršio najmanje jedan ugovor na poslovima nabavke i ugradnje materijala za hortikulturno uređenje ili sličnim poslovima vrijednosti najmanje 50.000,00 KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora ponuđača koji su u realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor na poslovima nabavke i ugradnje materijala za hortikulturno uređenje ili sličnim poslovima, vrijednosti najmanje 50.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor na poslovima nabavke i ugradnje materijala za hortikulturno uređenje ili sličnim poslovima vrijednosti najmanje 50.000,00 sa PDV-om. Komisija je konstatovala da ponuđač nije dostavio listu izvršenih ugovora niti potvrde o izvršenim ugovorima, te je konstatovala da ponuđač nije ispunio uslov iz navedene tačke tenderske dokumentacije.

Iz naprijed navedenih razloga utvrđeno je da je ponuda ponuđača „HADŽO-STIL“ d.o.o. Sarajevo ne ispunjava uslove tražene u tenderskoj dokumentaciji iz tački 4.4.1. i 4.1.4 - Priprema ponuda; 3.1. Lična sposobnost; 3.3. ekonomska i finansijska sposobnost i 3.4.2. (a) - tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Komisija je pristupila analizi dostavljene ponude ponuđača „EKOCENTAR GS“ d.o.o. Špionica te utvrdila da ponuda ne ispunjava uslov iz tenderske dokumentacije iz tačke 3.3. ekonomska i finansijska sposobnost - Izjava o ekonomskoj i finansijskoj sposobnosti (član 47ZJN) – Potvrda od Centralne banke BiH o stanju računa ponuđača ne starija od 90 dana (računajući od dana utvrđenog kao krajnji rok za predaju ponuda). Ponuđač nije dostavio traženu potvrdu, što je bio dužan u skladu sa navedenom tačkom tenderske dokumentacije.

Iz naprijed navedenih razloga utvrđeno je da je ponuda ponuđača „EKOCENTAR GS“ d.o.o. Špionica ne ispunjava uslove tražene u tenderskoj dokumentaciji iz tačke 3.3. ekonomska i finansijska sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Vršeći analizu ponude ponuđača „GREEN SERVIS“ d.o.o. Sarajevo, Komisija je uočila nedosljednost u ovjeri/legalizaciji potpisa u dostavljenim izjavama, traženim tenderskom dokumentacijom. Naime na strani 25. ponude dostavljena je Izjava o ispunjenosti uslova iz člana 45 (Aneks 5) te na strani 39. ponude dostavljena je Izjava iz člana 52 ZJN, naime izjave je potpisao Amir Gurda – direktor „Green servis“ d.o.o. Sarajevo, međutim na pečatu ovjere/legalizacije potpisa nadležnog organa je naznačeno ime Samir Gurda – osnivač „Green servis“ d.o.o. Sarajevo. Komisija je uputila Zahtjev za dostavljanje informacija Općini Stari Grad, nadležnoj službi te je dana 15.5.2024. godine dostavljena obavijest Općine Stari Grad broj 09-04-2724-12/24 gdje stoji da je uvidom u evidenciju Upisnika za ovjeru potpisa, rukopisa i prepisa općine izvršena legalizacija potpisa na ime Gurda Samir. Shodno navedenom Komisija je konstatovala da se dostavljene izjave ne mogu prihvatiti jer su potpisane od strane lica koje nije ovlašteno za zastupanje shodno Aktuelnom izvodu iz sudskog registra, niti je lice čije je ime navedeno na izjavama, obzirom da uz ponudu nije dostavljeno posebno ovlaštenje za zastupanje.

Iz naprijed navedenih razloga utvrđeno je da ponuđač „GREEN SERVIS“ d.o.o. Sarajevo ne ispunjava uslove tražene u tenderskoj dokumentaciji iz tačke 3.1.2., te je ponuda odbačena shodno odredbama člana 68. stav (4) tačka i) Zakona o javnim nabavkama, odnosno da je ponuda nepravilna.

Shodno naprijed navedenom Komisija je konstatovala je da su ponude ponuđača „HADŽO-STIL“ d.o.o. Sarajevo, „EKOCENTAR GS“ d.o.o. Špionica i „GREEN SERVIS“ d.o.o. Sarajevo neprihvatljive u skladu sa članom 68. stav (4) tačka i) Zakona o javnim nabavkama BiH, odnosno da su ponude nepravilne.

Na osnovu navedenog u skladu sa odredbom člana 69. stav (2) tačka d) i članom 70. stav (1) i (4) i (6) Zakona o javnim nabavkama („Službeni glasnik BiH“, br. 39/14 i 59/22) odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar Komisije



DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik
mr. Semir Efendić